

台灣侯氏族譜序

顯榮錄 依古例載

按我族古例，以子孫科甲，大小官爵，或登明經貢士者，皆得進士入祠堂配享，如六世孫世延登萬曆丙午舉人，知武崗州牧，與弟世臣登壬子應天經魁，知貴陽府，成志登嘉靖壬午舉人，姪清乙酉舉人，任通判，皆入主匾在祠堂，後家廟穴而損失其存祠者如襄城縣雲岩公，龍巖縣靖公在焉，其人祿位者如壬子舉人軍功郎用儒學名芝英號新心畊公，及歲貢生錫思是也

述古錄

按我九甲之為小侯也以雲岩公為襄城令之時有同姓不宗之侯貞侯語素為洋盜船至廣東為官擒去冒供伊是雲岩公官親致礙官箴座主鄔大人諱汝捐巡撫廣東解救原職歸家今九甲自編為小侯登邑志故今皆以九甲為小侯云

宗貴公後裔分布

宗貴公生有九子，五子回原籍，四子隨公居南安十八都侯安鄉，長房華資公，二房華岳公，三房華美公，四房華和公，派下原住后頭吉池內嶺北三鄉，遠居台灣有嘉義下雙溪庄，二重港，三寮灣，南路潭底，北路土庫圳頭厝，皆成族，惟三房龍蝦出海子四世郭實公族住舊館驛，自此出由是分住晉江廿一都后山楊厝，安溪侯厝，深滬夏門金門南安倉口格林觀音亭溪仔尾等處，皆有可考，尤其遠者河南廣東溫台州福州福清永福建寧。

南安侯氏分派古池內后坑族譜序

家之有譜。猶國有史也。史以撮要記事。譜以繼往開來。皆切於國家之實可以信今而傳後者。我始祖宗貴公。自河南光州固使來閩。駐解於泉州城街萬厚舖。後下居南安縣十八都。地以姓名。因名侯安鄉。嗣是子孫殷繁。開九甲一族焉。數傳而分支派別。親者疏。近者遠。四世三房復分一支於舊館驛。即宗貴公舊公館也。自是於屬漸離首丘漸忘。復以乾隆年。所見異詞。所聞異詞。然考閩誌所載。家乘所 其為光州固使者。皆宗貴公後無疑也。宗貴公開基今廿世矣。雲初者遙渺宗譜莫存。雖近代且不能盡祥其本末。有奚論於屬之。分離久遠者呼。夫數典不忘其祖。孝子慈孫之心也。余先君子忍柔公念宗一本誼關四體。而乃肥瘠秦越視本支奕業。如閒花野草。厥心恫焉。爰命余搜羅貴緒。自嘉慶癸酉年延今四十餘載。僅修二房四房兩派。其長房三房未之及也。是歲咸豐甲寅。房姪滿書慷慨等。舉余緒修譜后坑一派。雖有僅錄所知未能遍及。然後世不至併此而湮固知千慮之中未必無一得也。逮乙鄒之初秋。余適渡台談及修譜一事。乃有下雙溪庄舖美子孫國富國謹國統文守文敕等。有心顧祖欲捐資重修對面祖宇。並舉余緒修舖美一派譜略以成全瑜。余誼不能辭亦勉修之。夫尊祖啟宗莫大修合族有志兒抒大志採輯故牒。則同祖者備聞先代之徽聲修敘世家。則同居者奚瞭來裔之系屬。由是統同根於百代聯宗派於萬芳上。以稽宗貴公造基之芳躅下。以開吾宗金眾賢之崢嶸將於是乎在也。是以不可不記。以俟後賢。

咸豐丙辰六年三春壬子舉人軍功郎用儒學侯芝英撰錄。

滬江侯氏家乘序

族譜何為而作也特懼後之子孫不知世系來歷以致昭穆穩亂而作也蓋自木有水有源而人有之祖如之溯吾開基始祖

仁齋侯公以遊學滬江遂娶妣而家居傳及數世遭海氛遷都族人散處吾曾祖奕鴻公偕弟浚聲公及祖定麒公逃居廣省潮州揭陽後值昇平祖定麒公與弟叔浚聲公商議獨先自回籍居于晉江之石獅錦塘鄉後思祖母外家乳山離滬江不遠遂遷于是而吾父文贊公不忘祖武慨然曰人焉可離祖於是乾隆五年庚申遂棄乳山面滬江聚族而居父習舉子業不就望余力學課余曰祖上遭德及父一生敦行善事今雖不得顯於身後必期於子孫而所諄：告誡者又以睦族敦宗為要余思族人散處有在安平者有在洋廈者有浚叡公聚潮州揭陽者歷年久遠不知來歷勢必家自作祖人自為宗名分一混駸駸乎異宗乳支一本路人矣故余倦：以修譜為念特以中年家計蕭然學業難遂後辦晉江戶書居家日少弗獲承厥考志乾隆卅三年戊子余冢男宗仁念余有志未逮克以敬宗修族為心以體余志併成祖志遂邀請吾族祥敬祥源宗高等僉議修祠進主積蓄公銀以尊宗祖使春秋蒸嘗得展孝思又以譜牒不休昭穆奚序即以修譜之務勸勉族眾而族中之人無不懽欣樂從幸有楊山族叔遜能在滬教授同心贊成遂同男宗仁向各家細查神主抄其生卒娶葬以及墳墓不辭煩勞希冀功成其遠處安平及洋廈及廣省潮州揭陽者亦各歷至其地細心抄謄爰是遜能日夜勤力纂輯合為一譜就一譜之中分為四之閱歷四載而成嗣後世遠年湮瓜瓞綿盛雖分居星散而譜鑑一照世次秩然昭穆難混此皆祖宗之庇祐俾無吾男宗仁得獲闔族之懽心以成先人之志氣也夫修祠進主以及纂修譜牒皆前人所未行而今日得以行之豈不生平一大慰哉然莫為之前奚開其始莫為之曷繼其終預此以往慶餘蕃昌子孫繩：如彼源遠者流長根深者葉茂維我後嗣序而輯之增而補之余又竊有厚望焉

乾隆四十一年丙申菊月十六世裔孫承選謹拜首撰

南安宗貴公杜夫人大像讚

賜進士出身河南道監

六世孫侯繇 敬題

祭御史誥封中憲大夫

繫侯始祖	有宗篤生	蚤登科第	太常寺卿
世家固始	從主南行	間關播越	閩之溫陵
五子回籍	四子留武	榮侯之里	以公得名
避元不仕	爰入我明	保世茲大	枝茂流承
原厥所自	維公德馨	石梯蒼蔚	卓爾佳城
廟宇翼翼	祀公之靈	歲時伏臘	羅拜展誠
濟濟子孫	本業明經	載觀步武	光大家聲
積善餘慶	慰公九泉		